

M528: Kölner Eidbücher

- 1r,1 In Goitz namen Jhesu xpi amen Dit is des Eydis Boich dat begriffin is na
 1r,2 Goitz geburdin Dufint jair druhundert jair jn deme Eyn jnde zuenzichteme
 jare des
 1r,3 neiftin Saters dais na deme Eirften Sundage jnder vasten as man fincgit
 jnuocauit
 1r,4 Jd si kunt dat wir de nu fteint jn deme Engme Rade der Steede van kolne
 mit namen
 1r,5 her hilger heirre van der Steffen her Gerard oustolz her Rutger Raize
 1r,6 Ridde inde scheffene her Godart Joide Ridder her Gerard van benefis in
 Lintgaffen h̄
 1r,7 Johan van gurzenich her Dederich der Gijr Sceffene her Godart der heirre
 van vaidz
 1r,8 Almers huys her Mathias oustolz der heynrich vanme spiegele her Goitscalc
 oustolz
 1r,9 her Johans sun an der bach her Robin grijn her Johan van beyen her Gerard
 Scerf=gin
 1r,10 van Strundin jnde Gerard quatmart vmbe gemeyn beste der Stede van
 kolne
 1r,11 oudragin hain So wat man Scrifft gecreuin is of noch gescrevin wrdin sal
 in dit Boich
 1r,12 dat man heyft des Eydz Boich dat dat mallich haldin sal geliche deme breive
 den der
 1r,13 Rait de vur vns neifte sas machde mid namen her johan oustolz van der
 bach her
 1r,14 philips quatermart her wneir van der schuren Ridder Sceffin Rutger van
 lifinkirgen
 1r,15 her Gobil hardewft in Ringaffen her koyne der gijr Sceffen her heyrich
 1r,16 grin Sceffen her Dederich vame hirze Sceffen her heynrich joyde
 1r,17 her Goitscalc oustolz herrin GoitScalc Svn her Theilman cleyngedanc her
 1r,18 hilgeir hirzelin her heynrich van me Spiegele vp me Scazauele Waltelm
 mennegi
 1r,19 inde heynrich van me horne jnde de burgermyfte mid namen her franco der
 gijr
 1r,20 van kouilzhoven Sceffin inde heir Johan quatmart der Ridder zu des
 herzugin
 1r,21 hus mallich vp den Eyt in al der formen as der breif leit de zijt de hey duren
 1r,22 Sal Euer fal man oych haldin deme selvin geliche des Wir Rait de nu fitzt
 inde hey

- 1r,23 vur genant is ouerdragin inde besegilt hain mid vnsin jngesegelin dat oych
den felvi
- 1r,24 breif al de Reede de na vns sitzint haldin inde besegelin sulin vp jrrin eyt in
alder
- 1r,25 wijs as hey leit Dis is oudragin midz al de Enge Reede de vur inde na gefeffin
- 1r,26 haint jnde mid den zuen inde Echtzigen heirrin van deme widin Raide
- 1r,27 Euer fi it kunt dat de flat van kolne Sculdich is den heirren van fent
katherinen
- 1r,28 zu kolne Dusint marc inde dri inde vnfzich marc kolz pagamenz as van
wine den fi
- 1r,29 der Steede nutzlichin geborcht inde ver koicht haint Dat gelt fal man jn
beزالin
- 1r,30 zu den ziden de her in gescrevin steint eyn dirdeyl zu paifchin dat nu neifte
kominde is
- 1r,31 jnde dat ander Dirdeyl zu fent Remeys miffen jnde dat lefte dirdeyl [dat]
van paifchin
- 1r,32 koymt ou eyn jair mid al den vurworden as in deme breiue steyt den fi van
der Steede
- 1r,33 haint befegilt mid deme meystin jn[gefi]gele
- 1v,1 Euer infal man de Lambardar der dat huys is bi fent marien malzbuchil ze
kolne jn
- 1v,2 befcirmeniffe der Steede jr Lijff inde jr goit neit nemyn fi jn havin der Steede
gnoich gedain
- 1v,3 alre jairligs van andhalf hundert marken Renten kolz pagamentz Rentin
jnde as manich jair
- 1v,4 as fi gesinnent dat folin fi half gevurrins gevin .e. man jn eynges breve geyue..
jn den tinz den
- 1v,5 fi vurfchuldich fint
- 1v,6 Euer deme feluin geliche sal man doin den Lambardin der dat huys if zu
deme bucke de da
- 1v,7 hundert marc folin gevin in der formen al hei vurfgeschrevin steyt
- 1v,8 Jn Goitz namen amen.. Jd fi kunt dat wir der Enge rait der fteede van kolne
bezailt hauin
- 1v,9 van der fteede Goide van kolne. deme voiffe van Rodifheym eyne Ridde
vur Gerard oustolze
- 1v,10 eyne Sceffen Syn hern Gerards oustolz.. Ridde inde.. Sceffin van kolne zu
vurhuden vnfin bgerin
- 1v,11 fueirdin inde vuraitz de dar jn. vallin muctin Seys inde driffich punt haller..
jnde want
- 1v,12 vnfe burge her vmbe gevingin.. warin jnde gescat fint mid namen Teilman
eyn Gurdilwort
- 1v,13 vur der moinzen/ de vur sich bezailt hait druzein punt haller. Euer.. Symon..
mathias
- 1v,14 Sun der gurdilworterf vnfzein punt hallere Euer arnolt van Gleene vpme
- 1v,15 Creichmarte. Eycht punt.. Euer mathias van der Lyndin vpme Creichmarte
Seifzene

- 1v,16 punt haller. Euer. Euerart van. Treire. Seispunt. haller.. jnde want wir van der
- 1v,17 Steede. wegin de. Seif inde drithzich punt haller van des vursprochin Gerairs.. wegin bezailt
- 1v,18 havin deme vurgenoimdmē Riddē jñ ouch de vursprochin vnse burge dat gelt dat
- 1v,19 hē vurgefcreuin fteyt eme gegeyvin inde bezailt haint. vmbe finre Sculde wille des de
- 1v,20 vursprochin Ridder sine Offin breue hadde So setze wir inde willen dat.. So wanne
- 1v,21 Gerait jn kollin koymt dat der Raid de dan zer zijt sitzt vp jrrin eyt in dar
- 1v,22 zū haldin folin funder argelift dat hey dit vursprochin gelt beyde vnser Stede
- 1v,23 inde vnfen burgerin gelde de hei vurscrevin fteint of anter dat si sich haldin ain
- 1v,24 fin Lijff inde ain fin goit. bis hey van deifme vursprochin gelde gnoich gedain haue..
- 1v,25 Dit is gefceit. des vridais. na fent peters daige. den man nent ad catedram.. Na
- 1v,26 goitz geburdin. Dufint jair Druhundert jair jn deme eyn inde zuenzichtē jaire..
- 1v,27 Euer si id kvnt want jnme groiffin breiue gefcrevin fteyt. Weilg. gaft vp me Rine
- 1v,28 wine gilt. dat. der wirt of der vnckoyffer de dar zū helpint of dat zū brengint
- 1v,29 geldin folin zū boiffin zein marc. fo hain wir oūd^agin. dat man darbi fchickin fal.
- 1v,30 eynin van Engme Raide inde zuene vanme widin raide. dit ze bewarrin jnde van def^z
- 1v,31 boiffin fal eruallen. dit. dirdeyl der Steede. dat ander dirdeyl. den vorderin
- 1v,32 inde dat lefte dirdeyl deme. de dit melt. dit is gefcheit as he inbouin
- 4r,16 Jn goitz namen amen Jd fij kūnt dat vnse heirren de in engme ra^ode fitzent mit den heirren de vūr inde na
- 4r,17 jn rade gefeffen haint/ haint gefat jnde willent dat jt malligh halde vp finen eit dat fo wannadat de vūnfzin
- 4r,18 heirrē de in rade dat jair gefeffen haint kafen fūlen de vūnfzine de in engme rade fitzen fūlen. Oue dan
- 4r,19 ein vader enighs fūns gekoren wirt in den engen ra^oit fo fal der fūn kafen inde fal vs gain. Weir oich oue
- 4r,20 enig fūn enigs vaders gekoren wirt fo fal der vader kafen inde fal vs gain. weir oich oue enig bruder gekoren
- 4r,21 wirt fo fal der brūder kafen inde fal vs gain. js oich enig eiddem enighs heirren [de] gekoren wirt fo fal der
- 4r,22 heirre kafen inde fal vs gain. Wirt oich enigh heirre enighs eiddems fo fal der eiddem kafen inde fal vs gain..
- 4r,23 Euer haint vnse heirrē oūdragen inde willint dat mant halde dat fo vūr weilgen man dat gebēden wirt
- 4r,24 oue de deit bidden oue feluer bidt figh in den engen rait dat jair ze kafen dat man den in den engen rait dat jair nit kafen

- 4r,25 en fal eniḡhande wijs. want nieman den andēn kefen en fal vmbe enighe
leue nog laiffen in fal vmbe enighē has Also in fal nieman bidden
- 4r,26 vûr den andēn ze haffē vpdāt he *niet* inden rait in kûme dan funderlingen
vmbe der stede beste.
- 4r,27 Eû haint vnfe heirrē oûdragen inde willint dat malligh halde vp finen eit
dat so wannēdat man enen
- 4r,28 engen rait kefen fal. dat vnfe heirren vnder in egenen vûr rait hauen en fûlen
hemeliggen noch offenbair
- 4r,29 noch egein vnfer heirren de in rade fitzent fal deme anderme egein
geloffenisse dûn mit eniḡhande behendigheide
- 4r,30 “kûs mir den igh kefe dir defen” dan mallich fal kefen vp den kûrdagh enen
beiruē man vp
- 4r,31 finen eit de nûtze sij dat jair der stede van kolne.
- 4r,32 Eû haint vnfe heirrē gefat inde willent dat mant halde. Weir dat faghe oue
enighe Rentemeistichaf
- 4r,33 Porceñe tholñe wegemeistē oue enighe rente los were also dat si befāt falden
wden oue gekoren van
- 4r,34 deme engme Rade de zû der zijt seisse dat *dan ein eickligh* heirre de in engme
rade fitz prûuē fal
- 4r,35 vmbe enen zwene oue drie beiruer lûde vnfer *burg van* kolne die fal man
vort brengen inde sij
- 4r,36 nûmen vp ênen dagh also man kefen fal Jnde vîr den de van vnfen heirren
genoimt werdēt fal
- 4r,37 man prûuen ênen beiruen man malligh vp finen eit Jnde fal mallig dûn
scriuen des namen den
- 4r,38 he keesen wilt inde de in dûnck dat alre nûtze sij der stede van kolne *in* enen
breif inde die breue
- 4r,39 fal man werpen in ene boisse Jnde we dan dat meistē part heit de fal dat
ampt vndin hain. alfe
- 4r,40 lange als is eme der rait gan de zû der zijt fitz. vîbesheden alrehande
handelûft Weir oich
- 4r,41 dat faghe oue enigh pfoin vur sigh bede oue eman van sinre wegen mit
eniḡhande behendigheide bidden
- 4r,42 dede oue gebeden wde den pfoin in fal neman bi fime eide kefen alrehande
handelûft vîbesheden.
- 4v,1 Eû so hauē vnfe heirren oûdragen inde willent dat it malligh halde bi fime
eide dat die meistē
- 4v,2 des Raitz so wannēdat sij gekoirin wdent bi irme eide begriffen fulen dat si
van den Rentmeistēn
- 4v,3 noch van den boden heischen noch nemen noch lenen en fûlen van der
steede gûde zû *einḡhande*
- 4v,4 matichaf *jd jn* sij *dan* dat der rait semecliggen inde gemeinliggen vmbe
funderligge noit der
- 4v,5 stede van kolne bi ein bliuen wolden inde famen effen jnde dat fulen oich
die *bō* den begriffen bi irme
- 4v,6 eide dat sij egeinrhande gelt der stede van kolne in geuen noch lenen en
fûlen. Oich en fûlen die meistē

- 4v,7 des raitz nēmanne *egene* fleſche der ſtede wijns geuen jd in fij mit willen
des raitz.
- 4v,8 Eû haint vnſe heirren oûdragen dat egein rait de zer zijt ſijtz/ mit den jûden
dedingen fal/ in
- 4v,9 ire jairzale zelengen jd in fij ein half jair vur der zijt dat ir jairzalen vs gain
fulen jnde dat
- 4v,10 fûlen fij dûn oûmitz alle rede bi irme eide.
- 4v,11 Euer haint vnſe heirrin oûdragin dat man den porzenerin noch den de up
den Turnen ſitzint
- 4v,12 egeynre hande gelt noch geltz wert geuin infal bi deme eyde inbouin irre
gefatte jeirlichge rête
- 4v,13 Eû haint vnſe heirren oûdragen dat egein. heirre de vûr jnde na in engme
rade gefeffen
- 4v,14 haint egeinre pfoinen man oue vrouwen vp der burger hûs dag leiſten en fal
vur
- 4v,15 egeinme gerigthe dat den rait der ſtede van kollen ain geit. dit fal man
halden mallig vp
- 4v,16 finen eit. Eû ſo in fal mā *egene breue* beſegelē mit deme groiſſē ſegelē id in
- 4v,17 fij oû mitz alle redē
- 4v,18 Wir der enge rait de nûe ſitz hain oûdragen inde gebeden dat man dat halde
vp den eit
- 4v,19 dat egein rait de na vns kûmen fal Sal ſetzen oue dûn ſetzen in dit eidbûgh
enich
- 4v,20 pûnt inde in fij oûmitz alle rede de vûr inde na gefeffen haint.
- 4v,21 Jn goitz namē amen Jd fij kûnt dat vnſe heirren de nû ſitzent in engme rade
oûdragen
- 4v,22 haint jnde gebedent dat malligh halde bi fime eide dat neman de [in] engme
rade ſitz alſe
- 4v,23 man der ſtede penningh ver pēghen fal den ſeluen pēningh verpeighen fal
hemelligē
- 4v,24 nog offenbair nog neman van ſinre wegen mit egeinrehande behendigheide
oue arge lûst
- 4v,25 alſe ſ zû fime nûtze wert.
- 4v,26 Jn goitz namen amen Jd fij kûnt dat vnſe heirren vanme engme rade de nû
- 4v,27 ſitzent mit allen reden oûdragen haint dat ſo wanne man den engen rait
kûft
- 4v,28 dat de de in den engen rait dat iair gekoren wirt na volgen [fall] zû deme
anderme gebode jn volght hee zû deme anderme gebode
- 4v,29 ſo in fal hee dat iair neit in rade ſitzen
- 4v,30 Jn goitz namen am Jd fij kûnt dat vnſe heirren de nû in engme rade ſitzent
mit
- 4v,31 vnſen heirren de vûr inde na in engme rade gefeffent haint oûdragen haint
jnde
- 4v,32 ſetzent dat ſo weilg heirre de gekoren wirt in den engen rait de fal na volgen
- 4v,33 zu me anderme gebode. So we neit na in volgth zû me anderme gebode de
in
- 4v,34 fal dat jair in der ſtede rade niet ſitzen jd in were dan dat der gein de gekoren

- 4v,35 wirt binnen kolne neit in were oue dat id eme lijftz noit dede dit fal durē de
zein jair oich sij zewiffen
- 4v,36 dat der bode fal gebeden dit eirfte gebot jnde die meiste des raitz dit ande
- 5r,1 Jd sij kunt dat vnfe heirren de nū fitzent ī engme rade mit allen reden
oūdragen haint inde beuelent vnfen heirren de
- 5r,2 nū in den engen rait gekoren sijnt vp eren eit dat sij vſgein inde vernemen
dey
- 5r,3 wairheit. fo we dat gelt zū reigthe dat geloift is hēn dederighe van jſenb̃g
heirre zū arenvelz
- 5r,4 vanme rade van kolne tufchen dit inde palmen billighen van heren godartz
hardevuist ī ringassē
- 5r,5 wegen jnde hēn hermātz fijns bruders gelden fal alfe vā der dedige de
tufchen in inde deme heirren vā jſenb̃g geweift is
- 5r,6 oue it die ſtat van kolne billiggē gelden fal oue her Godevart inde ſijn bruð
h̃ h̃mā
- 5r,7 Jd sij kũnt dat want her henrigh ſcherfgin ein ridder Gerart vanme kuſine
Petr⁹ vāme
- 5r,8 Leparde Emūt birkelin waltelm roitstoc hildeg̃s birkelin cragth weder der
ſtede gebot dat
- 5r,9 vp der burgh hus zū gemeinre morgen ſpraichen geſtedichit wart reſen
gereden ſijnt her ūmbe
- 5r,10 fo fal irre eweligh gelden ze būffen .L. marc zu den ziden de her na geſcreuen
ſteint vā
- 5r,11 paifchen nū kũmen fal vuer ein jair ir ewelig Seuenzein marc veir ſchillinge
mũn in[d] vort
- 5r,12 vmer zū paifchen ir eweligh ſeuen-zein marc veir ſchillinge mũn alfe lange
bis ir eweligh
- 5r,13 ſijn vunfcigh marc bezailt hait. jnde fo weilger van defen vurfprochenen
pſonen niet
- 5r,14 in bezailde zū ſime tirmpte de fal gelden ze būssen ṽm des ſtais ene marc
alfe lange
- 5r,15 alfe hee ſinen tirmpt verſitz der ſtede van kolne. der pinen in fal mā eme
neit laiſſen
- 5r,16 inde mā fal die vordēn vp den eit. datū. anno. dnī. m. ccc
- 5r,17 vicesimo octavo feria sexta post dominicam Invocavit.
- 5r,18 dit fal der rait vordēn de zer zijt ſitz vp eren eit.
- 5r,19 Jd sij kũnt dat want Anſem vā oiffenbruggē de zu moinfte won eigtheigh is
jude/ vūrmalz gehenkeniffe dede dat die ſtat
- 5r,20 van kolne iren lifbalke da die rame van der burghus vp reſt vmbe ſūnderlinge
liue des raitz
- 5r,21 van Kolne leis in ſine mūre legen inde eme geloift wart dat man in gūtlighen
her umbe verſein folde fo haint vnfe heirre
- 5r,22 ane geſein die vrūntſchaf de hee zū der ſtede van kolne vur mailz gekeirt
hait jnde gūnen
- 5r,23 eme des dat hee ſinen geuel up vūren magh alfe ho alfe hee wilt Jnde mag
dit dirdeil der ſtraiffē

- 5r,24 beflain alfo dat he fijn gezumber behalde alfo dat man gain inde ftain moge
bis hee fijn werc vol voirt heit jnde mach zu der ftraiffen doⁱren veinfren^o vs
maghen
- 5r,25 alfe verre alfe eme dat even koimpt inde nutze is inde gewoinligh is jnde
haint dar zû vnfe heirrē gefchickt die zwene
- 5r,26 rentemeiftē dat fijt bewaren dat deme jûden egein vngeuūgh en gefchey bis
hee finen
- 5r,27 bû volvûrt heit.
- 5r,28 Vnfe heirrē de haint gewijft dat heirre Johan q̃ttmart vp fantkulen ridde
5r,29 inde fcheffen jnde de mit eme warē ein hoiffyngē gedain haint da he fine
būffe
- 5r,30 inde de mit eme da ane waren aue gelden fal.
- 5r,31 Eû fo haint vnfe heirrē gewijft dat bruno inde Lodewigh buntoge inde de
mit in warē ein
- 5r,32 hoiffyngē gedain haint dat fij her umbe die būffe gelden folen inde de mid
warē.
- 5r,33 Eû haint fij gewijft dat fander van der baitftouē inde wilhem fin bruder inde
5r,34 de mid in waren ene hoiffyngē gedain hauē dat fij her umbe ire būffe geldē
fulē
- 5r,35 inde de mid in waren jnde beuelent vnfe heirrē vp irē eit dat fij die buffe
5r,36 vurdē de dar vp gefat is.
- 5v,1 Jn goitz namen Amen Jd fij kûnt dat vnfe heirren van me engme Rade haint
gebōden
- 5v,2 hēn hermanne fcherfgine ridde inde fcheffene deme Greuen dat hee nogh
fine gewalt nogh
- 5v,3 nieman van finen wegen egeinme juden nogh jûdinnē egeine vnregchte
gewalt dūn
- 5v,4 en fal nog fij in des kemerers hūs nog in fijn flos noch in egein flos fetzen
infal nogh dūn
- 5v,5 fetzen de enighen erfeigthiggen jûden oue jûdinnen zû bûrge fetzen magh
oue de felue
- 5v,6 erfeigthicht is vmbe enighe die vorderūge de hee zûtz deme jûden oue
jûdinnē hauen
- 5v,7 magh. jnde van deme juden oue judinnē den he gebortzoicht heit fal hee
clagen vur
- 5v,8 deme bifchoffe inder deme Capittle der joitzfchaf inde fal da nemen funder
weder rede
- 5v,9 joitz reigth wat in dit meifte part van deme Capittle der joitzfchaf wijft.
jnde alfe
- 5v,10 de jûde dat gedeit fo fal hee quiyt fijn der ain fpraighen. Weir dat faghe dat
hee her
- 5v,11 weder dede enighhande wijf fo fal man figh halden an fijn lijf inde an fijn
gût.
- 5v,12 Jnde weilgh finre boden den jûden oue die jûdinnen hey enbouen in enigh
flos leigthe
- 5v,13 de fal legen veir weggen in der ftēde turne befmeit van kolne jnde waffer
inde broit effen

- 5v,14 jnde danne neit ze kûmen die veir weggen in fin vmbe. datū
 5v,15 anno dñi mcccxxvij feria fedō poft jubilate.
- 6r,1 Jn Goitz namen am Jd fi kûnt dat vnfe heirren vāme engme rade de nū
 fitzent mit vnfe heirren de vūr
 6r,2 inde na gefeffen haint oūdragen haint mit johanne Ruuaghe enen burge van
 ftraifbg mit finē willen dat vnfe
 6r,3 heirren vāme rade de nū fitzent inde de herna fitzen fūlen bezalen fūlen eme
 oue finē eruē oue finen gewiffen
 6r,4 boden de ene quitācie brenc veir hūndert marc vūnfindezwencigh marc mūn
 Colz paieṁtz dri hallē vūr zuene
 6r,5 pēninge oue enen guldenē vur ene marc oue drūzein kūnicf turnofē vūr ene
 marc gereggent weilg he kefen wilt vā
 6r,6 defē paieṁte vūr henrighe vāme fpegele vāme hafē jnde Rigmūde fine
 hufvrouwe de fij eme bekant hadden
 6r,7 vūr vnfen regthē vp der būrgh hūs zū den zijden alfe herna gefcreuen fteit/
 nū hendelingen vp vnfer vrouwen
 6r,8 dag dū fij geboren wart zwencigh marc jnde vort van fente Remeis nū
 kūmen fal oū ein jair zwencig marc
 6r,9 jnde vort alle jairs vp fente Remeis dagh zwencigh marc alfe lange bisdat
 vūrfproghene gelt bezailt if. jnde
 6r,10 dit gelt fulen vnfer heirrē geuē de in rade fitzent fo wāne dat he is gefint zu
 finre regchē zijt inde bezalen fund
 6r,11 alre hande argeluft. dit is gefcheit na goitz gebūrde dufent dru hundert inde
 feifinde zwencig jair des
 6r,12 maindais vp fente egidius dagh
 6r,13 Euer fo haint vnfe heirrē oūdragen weir dat faghe dat die felue Rigmūt de
 da vur genant if die zwencigh
 6r,14 marc de vnfe heirrē vūr fij inde vūr henrighe eren mā bezailt haint inde
 nogh vort alle jairs vp fente Remeis dagh
 6r,15 zwencigh marc de wijr geloif hain zū bezalen/ Ruuaghe niet en geue nog
 en bezailde jnde die ftat fij bezalen
 6r,16 mūften fo fulen vnfe heirren figh erkoūen an deme kūntfdele dat fij
 Ruuaghe vp gedrain hadde inde dat
 6r,17 gefcreuen fteit in vnfer herren der fcheffen fcrine inde figh vort erkoūen
 fulen an irme liue inde an irme
 6r,18 gūde inde an alle irre renten wa fij gelegen if alfe lange bis dat vūrfprochene
 gelt mit deme fchaden den die
 6r,19 ftat dar vmbe lede bezailt is jnde ire agtmailz egene dagh geven. jnde dit fal
 mā halden bi deme eide
 6r,20 jnde die zwencigh marc fal der rait vpbūren inde vpheuen de zer zijt fitz an
 alle irme gūde inde an alle irre
 6r,21 rentē wa fij gelegen if alle jairs bime eide. datū vt fup\&1.
 6r,22 Jn goitz namen amen Jd fi kunt dat vnfe heirren vāme engme rade haint
 geboden
 6r,23 heren hmane fcherfgine deme greuen dat he nog fine gewalt nog nienemā
 van finen

6r,24 wegen/ egenen jûden nog judinnē egein vnregth gewalt dūn in fal nog jn
 des kemeris hūs nogh in fījn flos nog in egein floz fēzen en fal
 6r,25 nogh dūn fēzen de einghen erftheigtigen juden oue judinnē ce burge fēzen
 magh oue de felve erfeightig is vmbe
 6r,26 enighe die vorderingen de he zutz eme hauen magh jd en ge dan an vnfer
 heirrē
 6r,27 der fcheffen gerigthe inde alshe dat dūn fal fo dat fal fījn oūmitz gemene
 6r,28 verdrag vnfer heirren der fcheffen jnde van deme jûden den he. gebortzugh
 heit
 6r,29 fal hee clagen vur deme bifchof inde deme Capittel jnde fal da nemen fūnder
 weder rede
 6r,30 joitz regth wat in dit meifte part van der juden Capittel wijft jnde alfe de
 jûde dat gedeit
 6r,31 fo fal he quiyt fījn der ainſpraichen. Weir dat he h̄ weder dede enigh̄hande
 wijf fo
 6r,32 fal man figh halden an fījn lijf inde an fījn gūt jnde weigl finre boden
 6r,33 den juden oue die judinnen hey en bouen in enigh flos lēde de fal legen veir
 weggen
 6r,34 befmeit in der ſtede turne inde waſſer inde broit eſſen. jnde danne neit
 6r,35 ze kūmen die veir weggen in fin vmbe.

6v,18 Jd fīj kūnt dat vnſe [heirren] vāme engme rade mit vnſen heirrē de vūr inde
 na in engme rade geſeffin
 6v,19 haint haint gewijft vūr ein regth dat her Gobel hardeuuf in ringaffen jnde
 h̄ h̄mān
 6v,20 fin brūder fulen bezalen der ſtede van kolne van den veirdehalffhundert
 marken de diē ſtat
 6v,21 van kolne bezailt hait h̄n dederighe van arenvelz heirre zu Ifenßg zwey
 hundert marc
 6v,22 vūnfindezwencig marc nūn dit haſſcheide zū fente Johans miſſen jnde dit
 ander halffcheide
 6v,23 zū fente remeis miſſen nū neift zū kumende if oue ze male zū fente remeis
 6v,24 miſſen oue fīj willent jnde wey fīj enighen tirit mit verſeiffen inde neit in
 bezailden fo fal
 6v,25 ir eweligh gelden ze boiffen vmer dis dais ene marc bis dat vurfprochene
 gelt bezailt
 6v,26 if dey būffe fal man vorden vp den eit datū vt fupra
 6v,27 In goitz nam̄ am̄. Jd fīj kunt dat vnſe heirrē vāme engme rade gefat haint
 eindreigtliggē
 6v,28 dat die porceñe vp den offenē porcen ze velde wert jnde van den zwein
 turnen ze beiene jnde
 6v,29 zū fente kūniberte vp den porcen inde vp den turnen fo wāne dat id in vnſe
 heirrē vāme
 6v,30 rade beuelent degelis bliuen fulen inde neit dan aue gain dan zū miſſen
 mallig zū der kirghē
 6v,31 de finre porcē alre neift gelegen if jnde alfe balde alfe fīj die miſſe gehoirt
 haint fo fūlen fīj

- 6v,32 weder gain vp ir porce jnde da vppe oue da vnden der bi bliuē bis alfe lange
dat id vnfe
- 6v,33 heirren dat weder beiddent. jnde fulen bereit fijn eme eicligme burge inde
gaſte vs inde in
- 6v,34 ze laiffen inde ir gūt fo wannedat fijs gefūnnēt inde cidigh if funder
enigherhande geneif
- 6v,35 oich in fulen fij neit ze arne oue ir gefinde nogh nemā van iren wegen mit
egeinre hande behendigheide
- 6v,36 egene garuē nogh egeinrehande gaue nogh geneis zū einḡ zijt van deme jare
nemen.
- 7r,1 Oich fo in fulen fij nog egene porceñe der ſtede van kolne nogh nemā anders
egeinre hande vey in
- 7r,2 der ſtede grauen dūn nog laiffen dūn jnde fulen defe pūnte alle halden bi
irme eide jnde weilg
- 7r,3 ir her weder dede an deme pūnte dat hee vey inden grauē dede oue leif dūn
de fal gelden
- 7r,4 zū buſſen vmer des dais ene marc inde alfe dücke alfe heit deit. jnde vort fo
weilḡ
- 7r,5 der anderre punte enigh brigth den fal man van der porcen ſetzen jnde enen
andēn weder
- 7r,6 dar vp in ſine ſtat jnde fulen defe eide ernuwen alle jairs vur deme rade van
kolne datū
- 7r,7 anno. dnī m ccc xxvii jn die bā Albani.
- 7r,8 vnfe heirren vāme rade de nū ſitzent de haint oūdragen iñ gewijft vūr ein
[...]
- 7r,9 Jn goitz namē amen. Wir der enge rait de nū ſitz hain des uḡdragen dat nog
wir nog
- 7r,10 egein rait egene myſſe horen infulen vp der Capellen der marporcen alfe
lange alfe her
- 7r,11 Riggolf der kirghere van fente albane die kirghe beſitzen fal jnde dis in fal
nog wir
- 7r,12 nog egein rait de na vns ſitzen fulen wandelen mit enighme pte vp den eit.
jnde
- 7r,13 dit fal man halden vp den eit. dit is geſcheit na goitz geburde dufent
druhendert
- 7r,14 in deme nūnindezwenciftme jare. dis vridaif de auent is fente marien
magdalenen.
- 7r,15 Jd fij kunt dat wir der enge rait de nū ſitz hain Johanne de ſun is hēn Gerartz
kornegilz
- 7r,16 dūn legen in den turn vmbe der brūghen wille dat hee Jade juden van Kolne
mit eme
- 7r,17 gerāighten metzen jnde wū[n]te henen vnfen boden jnde neit vmbe enighe
buſſe. her umbe
- 7r,18 fo in wille wir neit dat in emā borge vffer deme turne ze laiffen oue dat man
in vffer
- 7r,19 deme turne laiffē id in fij mit willen inde gehenkeniſſe Gerhartz kornegils
in de ſinre

7r,20 vrūnde dit fal man halden vp den eit.